



**“ТРАСТБАНК” ХУСУСИЙ АКЦИЯДОРЛИК БАНКИ  
БАНК ОПЕРАЦИЯЛАРИ МЕТОДОЛОГИЯСИ БОШҚАРМАСИДА  
РЎЙХАТДАН ЎТКАЗИЛДИ**

**2020 йил 25 февраль  
550-сон**

**“Трастбанк” хусусий акциядорлик банки  
акциядорлари умумий йиғилишининг  
““Трастбанк” хусусий акциядорлик банки акциядорлари  
умумий йиғилиши тўғрисида низом”ни тасдиқлаш ҳақида**

**ҚАРОРИ**



**“ТРАСТБАНК” ХУСУСИЙ АКЦИЯДОРЛИК БАНКИ  
АКЦИЯДОРЛАРИ УМУМИЙ ЙИҒИЛИШИ  
Қ А Р О Р И**

**““Трастбанк” хусусий акциядорлик банки  
акциядорлари умумий йиғилиши тўғрисида низом”ни  
янги тахрирда тасдиқлаш ҳақида**

Ўзбекистон Республикаси Марказий банки бошқарувининг 2000 йил 22 февралдаги 3/6-сон қарори (2000 йил 5 апрель, рўйхат рақами 916) билан тасдиқланган “Марказий банк томонидан тижорат банкларининг ички меъёрий ҳужжатларига қўйиладиган талаблар тўғрисида низом”га мувофиқ “Трастбанк” хусусий акциядорлик банки акциядорлари умумий йиғилиши **қарор қилади:**

1. “Трастбанк” хусусий акциядорлик банки акциядорлари умумий йиғилиши тўғрисида низом янги тахрирда иловага мувофиқ тасдиқлансин.

2. Қуйидагилар ўз кучини йўқотган деб ҳисоблансин:

а) “Трастбанк” хусусий акциядорлик биржа банки акциядорлари умумий йиғилишининг 2014 йил 19 июндаги 37-сон ““Трастбанк” хусусий акциядорлик биржа банки акциядорлари умумий йиғилиши тўғрисида низомни тасдиқлаш ҳақида” қарори (2014 йил 31 июль, рўйхат рақами 298);

б) “Трастбанк” хусусий акциядорлик банки акциядорлари умумий йиғилишининг 2015 йил 3 июндаги 39-сон ““Трастбанк” хусусий акциядорлик биржа банки акциядорлари умумий йиғилиши тўғрисида низом”га ўзгартириш киритиш ҳақида” қарори (2015 йил 8 июль, рўйхат рақами 298-1);

в) “Трастбанк” хусусий акциядорлик банки акциядорлари умумий йиғилишининг 2016 йил 10 июндаги 42-сон ““Трастбанк” хусусий акциядорлик банки акциядорлари умумий йиғилиши тўғрисида низом”га ўзгартиришлар киритиш ҳақида” қарори (2016 йил 14 июнь, рўйхат рақами 298-2);

г) “Трастбанк” хусусий акциядорлик банки акциядорлари умумий йиғилишининг 2017 йил 30 августдаги 44-сон ““Трастбанк” хусусий акциядорлик банки акциядорлари умумий йиғилиши тўғрисида низом”га қўшимча ва ўзгартиришлар киритиш ҳақида” қарори (2017 йил 31 август, рўйхат рақами 298-3);

д) “Трастбанк” хусусий акциядорлик банки акциядорлари умумий йиғилишининг 2018 йил 7 июндаги 46-сон ““Трастбанк” хусусий акциядорлик банки акциядорлари умумий йиғилиши тўғрисида низом”га қўшимча ва ўзгартиришлар киритиш ҳақида” қарори (2018 йил 12 июнь, рўйхат рақами 298-4).

3. Мазкур қарор Банк ички норматив ҳужжатлари реестрида рўйхатдан ўтказилган куннинг эртасидан бошлаб кучга киради.

**Акциядорлар умумий йиғилиши раиси**

**Т.Шарипов**

Тошкент шаҳри,  
2020 йил 24 февраль,  
50-сон.

**“Трастбанк” хусусий акциядорлик банки  
акциядорлари умумий йиғилиши тўғрисида низом  
(янги таҳрири)**

*Мазкур Низомга қуйидагиларга мувофиқ қўшимча ва ўзгартиришлар киритилган:  
Банк акциядорлари умумий йиғилишининг 2022 йил 20 майдаги 55-сон қарори билан  
тасдиқланган ва 604-сон билан рўйхатга олинган ички норматив ҳужжат;  
Банк акциядорлари умумий йиғилишининг 2023 йил 19 майдаги 57-сон қарори билан  
тасдиқланган ва 2023 йил 26 майда 635-сон билан рўйхатга олинган ички норматив  
ҳужжат.*

Мазкур Низом Ўзбекистон Республикасининг “Банклар ва банк фаолияти тўғрисида”, “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” қонунлари асосида ишлаб чиқилди ва у “Трастбанк” хусусий акциядорлик банки (кейинги ўринларда – Банк) акциядорлари умумий йиғилишининг мақоми, уни ўтказиш ва унда қарорлар қабул қилиниши тартибини белгилайди.

**1-§. Умумий қоидалар**

1. Банк акциядорлари умумий йиғилиши Банкнинг юқори бошқарув органи.  
Банк ҳар йили Банк акциядорлари ҳисобот (йиллик) умумий йиғилишини ўтказди.
2. Банк акциядорларининг йиллик умумий йиғилиши Банк уставида белгиланган муддатда, аммо молия йили тугаганидан кейин кўпи билан олти ой ичида ўтказилади.
3. Банк акциядорларининг йиллик умумий йиғилишидан бошқа ўтказилган умумий йиғилишлар навбатдан ташқари умумий йиғилишлар ҳисобланади.
4. Банк акциядорлари умумий йиғилиши ўтказиладиган сана, йиғилиш ўтказилиши ҳақида акциядорларга хабар бериш шакли, Банк акциядорлари умумий йиғилишини ўтказишга тайёргарлик вақтида акциядорларга бериладиган ахборот ва материаллар рўйхати Банкнинг кузатув кенгаши томонидан белгиланади.

**2-§. Банк акциядорлари умумий йиғилишининг ваколатлари**

5. Банк акциядорлари умумий йиғилишининг ваколатларига қуйидагилар киради:
  - а) Банк уставига ўзгартириш ва қўшимчалар киритиш ёки Банкнинг янги таҳрирдаги уставини тасдиқлаш;
  - б) Банкни қайта ташкил этиш;
  - в) Банкни тугатиш, тугатиш комиссиясини тайинлаш ҳамда оралик ва якуний тугатиш балансларини тасдиқлаш;
  - г) Банкнинг кузатув кенгаши ва Миноритар акциядорлар қўмитасининг сон

таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

д) эълон қилинган Банк акцияларининг энг кўп миқдорини белгилаш;

е) Банкнинг устав капиталини камайтириш;

ё) Банкнинг устав капитали камайганда ёки Банк акцияларининг сони қисқарганда Банкнинг ўз акцияларини қайтариб сотиб олиш;

ж) Банкнинг ташкилий тузилмасини тасдиқлаш;

з) Банк тафтиш комиссиясининг аъзоларини (тафтишчисини) сайлаш ва уларнинг (унинг) ваколатларини муддатидан илгари тугатиш, шунингдек Банк тафтиш комиссияси (тафтишчиси) тўғрисида низомни тасдиқлаш;

и) Банкнинг йиллик ҳисоботини, шунингдек Банк фаолиятининг асосий йўналишлари ва мақсадидан келиб чиққан ҳолда Банкнинг 5 йилдан ортиқ бўлган давр учун аниқ муддатлари белгиланган узоқ муддатли ривожланиш стратегиясини тасдиқлаш;

й) Банкнинг фойдаси ва зарарини тақсимлаш;

к) Банкнинг кузатув кенгаши ва Банк тафтиш комиссиясининг (тафтишчисининг) ваколатларига кирадиган масалалар бўйича, шу жумладан банкни бошқаришга доир Ўзбекистон Республикаси қонун ҳужжатларида белгиланган талабларга риоя этилиши юзасидан Банк кузатув кенгашининг ҳисоботини ва Банк тафтиш комиссиясининг (тафтишчисининг) хулосасини эшитиш;

л) Банкнинг кузатув кенгаши томонидан тайинланган Банк бошқаруви раисини тасдиқлаш;

м) Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” қонунида назарда тутилган акцияларни ва акцияларга айирбошланадиган қимматли қоғозларни сотиб олишда акциядорларга имтиёзли ҳуқуқни қўлламаслик ҳақида қарор қабул қилиш;

н) Банк акциядорлари умумий йиғилишининг регламентини тасдиқлаш;

о) Банк акцияларини майдалаш ва йириклаштириш;

п) Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” қонунида назарда тутилган ҳолларда Банкнинг мол-мулк сотиб олиши ва мол-мулкни бегоналаштирилиши билан боғлиқ йирик битимлар тузиш;

р) Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” қонунида назарда тутилган ҳолларда Банкнинг аффилиланган шахслари билан битимлар тузиш;

с) мажбурий аудиторлик текширувини ўтказиш учун аудиторлик ташкилотини

белгилаш, ушбу ташкилот хизматига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;

т) Ўзбекистон Республикаси қонун ҳужжатларида назарда тутилган бошқа масалаларни ҳал этиш.

### **3-§. Акциядорнинг Банк акциядорлари умумий йиғилишида иштирок этиш ҳуқуқи. Акциядорлар ва уларнинг ваколатли вакиллари рўйхатдан ўтказиш**

6. Банк акциядорлари умумий йиғилишида иштирок этиш ҳуқуқига ушбу умумий йиғилиш ўтказиладиган санадан уч иш куни олдин шакллантирилган Банк акциядорлари реестрида қайд этилган акциядорлар эга бўлади.

Банк акциядорнинг талабига кўра унга Банк акциядорларининг умумий йиғилишини ўтказиш учун шакллантирилган Банк акциядорларининг реестрига унинг киритилганлиги тўғрисида ахборотни тақдим этади.

7. Банк акциядорлари умумий йиғилишида Банк акциядорлари реестрида қайд этилган акциядорлар, уларнинг ваколатли вакиллари, аудитор, Банкнинг кузатув кенгаши, Банк бошқаруви ва Банк тафтиш комиссияси аъзолари ҳамда таклиф этилган бошқа шахслар қатнашиш ҳуқуқига эга.

8. Банк акциядорлари умумий йиғилишида қатнашиш учун акциядорлар ёки уларнинг ваколатли вакиллари йиғилиш тўғрисида билдиришномада кўрсатилган жой ва вақт бўйича рўйхатдан ўтади.

9. Банк акциядорлари умумий йиғилишида қатнашиш учун келган акциядорлар – жисмоний шахсларни рўйхатдан ўтказиш паспорт ёки акциядорнинг шахсини тасдиқловчи бошқа ҳужжат, вакилга нисбатан эса яна нотариусда тасдиқланган ишончнома кўрсатилганда амалга оширилади.

10. Банк акциядори бўлган юридик шахс раҳбари Банк акциядорлари умумий йиғилишида ўз ваколатларини эгаллаб турган лавозимига тайинлаш тўғрисида ҳуқуқий ҳужжат ва шахсини тасдиқловчи ҳужжат асосида амалга оширади.

11. Акциядорнинг вакили Банк акциядорлари умумий йиғилишида ёзма шаклда тузилган ишончнома асосида иш юритади. Ишончномада ваколат берган ва вакил қилинган шахс тўғрисида маълумотлар (фамилияси, исми, отасининг исми ёки номи, яшаш жойи ёки жойлашган манзили, паспортга оид маълумотлар) бўлиши лозим. Жисмоний шахс номидан берилган ишончнома нотариал тартибда тасдиқланган бўлиши керак. Юридик шахс номидан берилган ишончнома унинг раҳбари имзоси ва ушбу юридик шахснинг муҳри билан тасдиқланган ҳолда берилади.

12. Агар Банкнинг акцияси бир нечта шахснинг умумий улушли мулкида бўлса, Банк акциядорлари умумий йиғилишида овоз бериш ваколатлари уларнинг хоҳишига кўра

умумий улушли мулк иштирокчиларидан бири ёки уларнинг умумий вакили томонидан амалга оширилади. Кўрсатиб ўтилган ҳар бир шахснинг ваколатлари тегишли тарзда расмийлаштирилган бўлиши керак.

13. Банк акциядорлари реестрига мувофиқ қайд этиш рўйхати тузилади. Қайд этиш рўйхати муқоваланган, тартиб рақами қўйилган, ип ўтказиб тикилган ва Банкнинг асосий муҳри босилган бўлиши керак.

14. Банк акциядорлари умумий йиғилишини ўтказишда акциядорлар (уларнинг вакиллари) қайд этиш рўйхатига имзо чекади ва Банк акциядорлари реестри маълумоти асосида аниқланган ҳар бир акциядорнинг овоз берувчи акциялари сонидан келиб чиқиб овоз бериш учун бюллетенлар тўпламини олади.

15. Агар Банк акциядорлари умумий йиғилиши қатнашчиси бир ёки бир неча акциядорнинг манфаатларини ифодалашга ишончнома тақдим этса, бу ҳолда унга манфаати ифодалаётган акциядор (акциядорлар) учун овоз беришга бюллетень берилади, қайд этиш рўйхатида эса манфаати ифодалаётган акциядорнинг фамилияси қаршисига “\_\_\_” та овоз берувчи акциялар бўйича 20 \_\_ йил “\_\_\_” \_\_\_\_\_ да берилган \_\_\_\_\_ -сон ишончнома бўйича” деган ёзув қайд этилади ҳамда вакилнинг фамилияси, исми, отасининг исми кўрсатилади.

#### **4-§. Банк акциядорлари йиллик умумий йиғилишини ўтказишга тайёргарлик кўриш**

16. Банк акциядорлари йиллик умумий йиғилишини ўтказишга тайёргарлик кўришни Банкнинг кузатув кенгаши амалга оширади ва у қуйидагиларни белгилайди:

а) Банк акциядорлари умумий йиғилиши ўтказиладиган сана, жой ва вақтни;

б) Банк акциядорлари умумий йиғилишининг кун тартибини;

в) Банк акциядорлари умумий йиғилишини ўтказиш учун Банк акциядорлари реестри шакллантириладиган санани;

г) Банк акциядорлари умумий йиғилишини ўтказиш тўғрисида акциядорларга хабар қилиш тартибини;

д) Банк акциядорлари умумий йиғилишини ўтказишга тайёргарлик кўриладиганда акциядорларга тақдим қилинадиган ахборот ва материаллар рўйхатини;

е) овоз бериш бюллетенининг шакли ва матни.

17. Банк акциядорлари умумий йиғилишини ўтказиш тўғрисида хабар мазкур йиғилиш ўтказиладиган санадан камида йигирма бир кундан кечиктирмай, лекин узоғи билан ўттиз кун олдин Корпоратив ахборотнинг ягона портали, Банкнинг расмий веб-сайти ва оммавий ахборот воситаларида эълон қилинади, шунингдек акциядорларга электрон почта орқали юборилади.

18. Банк акциядорлари умумий йиғилишини ўтказиш тўғрисида хабарда қуйидагилар кўрсатилади:

- а) Банкнинг номи, жойлашган ери (почта манзили) ва электрон почта манзили;
- б) Банк акциядорлари умумий йиғилиши ўтказиладиган сана, вақт ва жой;
- в) Банк акциядорлари реестри шакллантириладиган сана;
- г) Банк акциядорлари умумий йиғилиши кун тартибига киритилган масалалар;

д) Банк акциядорлари умумий йиғилишини ўтказишга тайёргарлик кўриляётганда акциядорларга тақдим этилиши лозим бўлган ахборот (материаллар) билан акциядорларни таништириш тартиби.

19. Банк акциядорлари умумий йиғилишини ўтказишга тайёргарлик кўриляётганда акциядорларга тақдим этилиши лозим бўлган ахборотга (материалларга) қуйидагилар киради:

- а) Банкнинг йиллик ҳисоботи;
- б) Банкнинг йиллик молия-хўжалик фаолиятини текшириш натижалари юзасидан Банк тафтиш комиссиясининг (тафтишчисининг) хулосаси;

в) Банкнинг йиллик молия-хўжалик фаолиятини текшириш натижалари юзасидан аудиторлик ташкилотининг хулосаси;

г) Банк кузатув кенгашининг Банк бошқаруви раиси билан тузилган шартноманинг амал қилиш муддатини узайтириш, шартномани қайта тузиш ёки уни бекор қилиш мумкинлиги тўғрисида хулосаси;

д) Банкнинг кузатув кенгаши ва Банк тафтиш комиссияси аъзолигига (тафтишчисига) номзодлар тўғрисида маълумотлар;

е) Банк уставига киритиладиган ўзгартириш ва қўшимчалар лойиҳаси ёки Банк уставининг янги таҳрири лойиҳаси;

ё) Банк кузатув кенгашининг Банк акциядорлари умумий йиғилиши кун тартибидаги масалалар бўйича нуқтаи назари.

Банк акциядорлари умумий йиғилишида ҳисобот берувчи Банкнинг бошқарув ва назорат органларининг маърузаси (ҳисоботи) ёзма шаклда тақдим қилинади.

Банк кузатув кенгашининг корпоратив бошқарув нормаларига амал қилиниши бўйича йиллик ҳисоботида Банк акциядорлари умумий йиғилиши, Банкнинг кузатув кенгаши ва Банк бошқаруви томонидан (ўз ваколатларига киритилган масалалар доирасида) қилинган ишлар тўғрисида ахборот қайд этилади.

Банк бошқаруви раисининг Банкнинг ҳисобот йилидаги фаолияти яқунлари тўғрисида маърузасида Банк фаолиятининг асосий кўрсаткичлари ҳақида маълумот, шу жумладан активлар, депозитлар, аҳоли омонатлари, жами капитал ва соф фойда,

шунингдек келгуси даврда ривожлантириш йўналишлари акс эттирилади.

Банк тафтиш комиссияси (тафтишчиси) хулосасида қуйидагилар кўрсатилади:

а) Банк ҳисоботлари ва бошқа молиявий ҳужжатларида акс эттирилган маълумотлар ишончлилигига берилган баҳо;

б) бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда Ўзбекистон Республикаси қонун ҳужжатлари бузилганлиги фактлари тўғрисида ахборот.

Банк акциядорлари умумий йиғилишини ўтказишга тайёргарлик кўрилаётганда акциядорларга тақдим этилиши мажбурий бўлган қўшимча ахборот (материаллар) рўйхати қимматли қоғозлар бозорини тартибга солиш бўйича ваколатли давлат органи томонидан белгиланиши мумкин.

20. Банк овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) Банк акциядорлари умумий йиғилиши чақирилгунга қадар узоғи билан 20 кун ичида йиғилиш кун тартиби масалаларига оид таклиф киритишга ҳақли ҳисобланади.

21. Банк овоз берувчи акцияларининг ҳаммаси бўлиб камида 1 (бир) фоизига эгалик қилувчи акциядорлар (акциядор) Банк акциядорлари умумий йиғилиши чақирилишидан 10 кун олдин Банкнинг кузатув кенгаши аъзолигига, ушбу кенгашнинг сон таркибидан ошмайдиган тарзда, номзодлар кўрсатишга ҳақли ҳисобланади (бундан Банк кузатув кенгашининг мустақил аъзолигига номзодлар кўрсатиш мустасно).

Агар ушбу кўрсатилган номзодлар Банкнинг кузатув кенгаши аъзолари этиб сайланган тақдирда, Банк акциядорлари умумий йиғилиши баённомасида улар қайси акциядорнинг вакили эканлиги, шунингдек Банк кузатув кенгашининг қайси аъзоси мустақил аъзо эканлиги кўрсатилиши керак.

*(Банк акциядорлари умумий йиғилишининг 2023 йил 19 майдаги 57-сон қарори билан тасдиқланган ва 2023 йил 26 майда 635-сон билан рўйхатга олинган ички норматив ҳужжат таҳриридаги банд)*

22. Банк акциядорлари умумий йиғилишининг кун тартибига масала уни қўйиш сабаблари, масалани киритаётган акциядорларнинг (акциядорнинг) фамилияси, исми, отасининг исми (номи), уларга (унга) тегишли акцияларнинг сони ва тури кўрсатилган ҳолда ёзма шаклда киритилади.

23. Банкнинг кузатув кенгаши ва Банк тафтиш комиссияси аъзолигига (тафтишчисига) номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг фамилияси, исми, отасининг исми, унга тегишли акциялар сони ва тури (агар номзод Банк акциядори бўлса),



шунингдек номзодни кўрсатаётган акциядорларнинг фамилияси, исми, отасининг исми (номи), уларга тегишли акциялар сони ва тури кўрсатилади.

24. Банкнинг кузатув кенгаши тушган таклифларни кўриб чиқади ҳамда уларни Банк акциядорлари умумий йиғилиши кун тартибига киритиш тўғрисида ёки мазкур кун тартибига киритишни рад этиш ҳақида қарор қабул қилади.

25. Акциядорлар (акциядор) томонидан киритилган масала Банк акциядорлари умумий йиғилишининг кун тартибига, худди шунингдек кўрсатилган номзодлар Банкнинг кузатув кенгаши ва Банк тафтиш комиссияси аъзолигига (тафтишчисига) сайлов бўйича овоз бериш учун номзодлар рўйхатига киритилади, қуйидаги ҳоллар бундан мустасно:

а) ушбу Низомнинг 20-бандида белгиланган муддатга акциядорлар (акциядор) томонидан риоя этилмаган бўлса;

б) акциядорлар (акциядор) Банкнинг ушбу Низомнинг 20-бандида назарда тутилган миқдордаги овоз берувчи акцияларнинг эгаси бўлмаса;

в) агар ушбу Низомнинг 22-бандида назарда тутилган маълумотлар тўлиқ бўлмаса;

г) таклифлар Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” қонуни талабларига мувофиқ бўлмаса.

26. Банк кузатув кенгашининг масалани Банк акциядорлари умумий йиғилишининг кун тартибига ёки номзодни Банкнинг кузатув кенгаши ва Банк тафтиш комиссияси аъзолигига (тафтишчисига) сайлов бўйича овоз бериш учун номзодлар рўйхатига киритишни рад этиш тўғрисида асослантирилган қарори масалани киритган ёки таклиф тақдим этган акциядорларга (акциядорга) қарор қабул қилинган кундан эътиборан уч иш кунидан кечиктирмай юборилади.

#### **5-§. Банк акциядорларининг навбатдан ташқари умумий йиғилишини ўтказишга тайёргарлик кўриш**

27. Банк акциядорларининг навбатдан ташқари умумий йиғилиши қуйидаги ҳолларда Банк кузатув кенгашининг қарори бўйича ўтказилади:

а) Банк кузатув кенгашининг ўз ташаббусига асосида;

б) Банк тафтиш комиссиясининг (тафтишчисининг) ёзма талабига кўра;

в) ёзма талаб тақдим этилган санада Банк овоз берувчи акцияларининг камида беш фоизига эгалик қилувчи акциядорнинг (акциядорларнинг) талаби асосида.

28. Банк тафтиш комиссиясининг (тафтишчисининг) ёки Банк овоз берувчи акцияларининг камида беш фоизига эга бўлган акциядорнинг (акциядорларнинг) ёзма талабига биноан Банк акциядорларининг навбатдан ташқари умумий йиғилишини чақириш ушбу йиғилишни ўтказиш ҳақида ёзма талаб тақдим этилган кундан эътиборан

30 (ўттиз) кундан кечиктирмай Банкнинг кузатув кенгаши томонидан амалга оширилади.

29. Банк акциядорларининг навбатдан ташқари умумий йиғилишини ўтказиш тўғрисида талабда йиғилиш кун тартибига киритилиши керак бўлган масалалар, уларни киритиш сабаблари кўрсатилган ҳолда, ифодаланган бўлиши лозим.

30. Банкнинг кузатув кенгаши Банк тафтиш комиссиясининг (тафтишчисининг) ёки Банк овоз берувчи акцияларининг камида беш фоизига эга бўлган акциядорнинг (акциядорларнинг) талабига биноан чақириладиган Банк акциядорларининг навбатдан ташқари умумий йиғилиши кун тартибидаги масалаларнинг талқинига ўзгартириш киритишга ҳақли эмас.

31. Банк акциядорларининг навбатдан ташқари умумий йиғилишини чақириш талаби акциядордан (акциядорлардан) чиққан тақдирда, бу талабда ушбу йиғилишни чақиришни талаб қилаётган акциядорнинг (акциядорларнинг) фамилияси, исми, отасининг исми (номи), унга тегишли акциялар сони ва тури кўрсатилган бўлиши лозим.

32. Банк акциядорларининг навбатдан ташқари умумий йиғилишини чақириш тўғрисида талаб ушбу йиғилишни чақиришни талаб қилган шахс (шахслар) томонидан имзоланади.

33. Банк тафтиш комиссиясининг (тафтишчисининг) ёки Банк овоз берувчи акцияларининг камида беш фоизига эга бўлган акциядор (акциядорлар) Банк акциядорларининг навбатдан ташқари умумий йиғилишни чақириш тўғрисида талабнома тақдим этган кундан бошлаб 10 (ўн) кун ичида Банкнинг кузатув кенгаши Банк акциядорларининг навбатдан ташқари умумий йиғилишини чақириш тўғрисида ёки ушбу йиғилишни чақиришни рад этиш ҳақида қарор қабул қилади.

34. Банк тафтиш комиссиясининг (тафтишчисининг) ёки Банк овоз берувчи акцияларининг камида беш фоизига эгаллик қилувчи акциядорнинг (акциядорларнинг) талабига кўра Банк акциядорларининг навбатдан ташқари умумий йиғилишини чақиришни рад этиш тўғрисида қарор қуйидаги ҳолларда қабул қилиниши мумкин, агар:

а) Банк акциядорларининг навбатдан ташқари умумий йиғилишини чақиришни талаб қилаётган акциядор (акциядорлар) талабнома тақдим этган кунга Банк овоз берувчи акцияларининг камида беш фоизига эга бўлмаса;

б) кун тартибига киритиш учун таклиф этилган масалалардан бирортаси ҳам Банк акциядорлари умумий йиғилишининг ваколат доирасига кирмаса;

в) кун тартибига киритиш учун таклиф этилган масала Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” қонуни талабларига мувофиқ бўлмаса.

35. Банк кузатув кенгашининг Банк акциядорларининг навбатдан ташқари умумий

йиғилишини чақириш тўғрисида қарори ёки бундай йиғилишни чақиришни рад этиш ҳақида асослантирилган қарори ушбу йиғилиш чақирилишини талаб қилган шахсларга қарор қабул қилинган пайтдан эътиборан 3 (уч) иш кунидан кечиктирмай юборилади.

#### **6-§. Банк акциядорлари умумий йиғилишининг қворуми**

36. Агар Банк акциядорлари умумий йиғилишида иштирок этиш учун рўйхатдан ўтказиш тугалланган пайтда Банкнинг жойлаштирилган овоз берувчи акцияларининг жами эллик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, Банк акциядорлари умумий йиғилиши ваколатли (қворумга эга) бўлади.

37. Агар имтиёзли акциялар кун тартибининг фақат битта ёки бир нечта масаласи бўйича овоз берса, Банк акциядорлари умумий йиғилиши қворуми тақдим этилган оддий акциялар сонига қараб белгиланади, кўрсатилган масалалар бўйича овозларни санаш эса овоз берувчи оддий ва имтиёзли акцияларнинг умумий сонидан келиб чиқиб ўтказилади.

38. Агар Банк акциядорлари умумий йиғилиши бошланиши учун белгиланган вақтдан сўнг 60 минутдан ортиқ вақт давомида қворум тўпланмаса, Банк акциядорларининг такрорий умумий йиғилишини ўтказиш санаси эълон қилинади.

39. Агар Банк акциядорларининг ўтказилмай қолган умумий йиғилиши ўрнига чақирилган такрорий умумий йиғилишда иштирок этиш учун рўйхатдан ўтказиш тугалланган пайтда Банкнинг жойлаштирилган овоз берувчи акцияларининг жами қирк фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, Банк акциядорларининг такрорий умумий йиғилиши ваколатли бўлади.

40. Қворум бўлмаганлиги сабабли Банк акциядорлари умумий йиғилишини ўтказиш санаси 20 (йигирма) кундан кам муддатга кўчирилган тақдирда, ушбу йиғилишда иштирок этиш ҳуқуқига эга бўлган акциядорлар ўтказилмай қолган Банк акциядорлари умумий йиғилишида иштирок этиш ҳуқуқига эга бўлган Банк акциядорлари реестрига мувофиқ аниқланади.

#### **7-§. Банк акциядорлари умумий йиғилишини олиб бориш тартиби**

41. Банк акциядорлари умумий йиғилишини олиб бориш тартиби йиғилишнинг бошланиши ва тахминан тамом бўлиши вақтини, маърузалар қанча вақт давом этиши ва танаффусларни, кун тартибига киритилган масалаларнинг изчиллигини, кун тартиби масалалари бўйича маърузачиларнинг фамилиялари ва лавозимларини, овоз беришни амалга ошириш ва унинг натижаларини эълон қилиш тартибини назарда тутаяди.

42. Банкнинг қузатув кенгаши раиси Банк акциядорлари умумий йиғилишида раислик қилади, у узрли сабабга кўра бўлмаган тақдирда, Банк акциядорлари умумий йиғилишида раисликни Банк қузатув кенгашининг аъзоларидан бири амалга оширади.

43. Банк акциядорлари умумий йиғилиши раиси Банк акциядорлари умумий йиғилишининг санок комиссияси, президиуми ва котибини сайлашни таклиф этади.

44. Банк акциядорлари умумий йиғилиши раиси умумий йиғилишнинг боришига раҳбарлик қилади, умумий йиғилишнинг санок комиссияси, президиуми ва котиби фаолиятини мувофиқлаштиради, масалаларни муҳокама қилиш тартибини белгилайди, маърузачиларнинг сўзлаш вақтини чегаралайди, йиғилишни олиб бориш ва овоз бериш давомида тушунтиришлар беради, залда тартиб ўрнатилишини назорат қилади, умумий йиғилишнинг аудио-видео ёзуви ва Интернет тармоғидаги трансляциясига рухсат беради. Банк акциядорлари умумий йиғилиши давомида юзага келадиган жорий масалаларни у мазкур йиғилишда муҳокама қилинаётган масала бўйича ҳар бир қатнашчи белгиланган вақт доирасида сўзга чиқиш ҳуқуқидан фойдаланиши мумкинлигидан иборат бош принципдан келиб чиқиб яққаболчилик билан ҳал этади.

45. Кун тартибидаги барча масала муҳокама қилингандан кейин Банк акциядорлари умумий йиғилиши раиси Банк акциядорлари умумий йиғилишини ёпиқ деб эълон қилади.

46. Банк акциядорлари умумий йиғилиши раиси Банк акциядорлари умумий йиғилишининг баённомаси имзолайди.

#### **8-§. Банк акциядорлари умумий йиғилишида овоз бериш ва овозларни санаб чиқиш**

47. Банк акциядорлари умумий йиғилишида овоз бериш “Банкнинг овоз берувчи битта акцияси – битта овоз” принципи бўйича амалга оширилади, Банкнинг кузатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно.

Банк акциядорлари умумий йиғилишида шахсан иштирок эта олмайдиган акциядорлар учун электрон почта орқали (электрон рақамли имзо билан тасдиқланган ҳолда), шунингдек Ўзбекистон Республикаси қонун ҳужжатларида белгиланган тартибда ўз ваколатини вакилга бериш йўли билан овоз бериш ёки умумий йиғилишни видеоконференцалоқа тарзида ўтказиш имонияти ва шароити яратилади.

Акциядорлар, шу жумладан миноритар акциядорлар овоз беришда ўзларининг биргаликдаги нуқтаи назарини шакллантириш учун акциядорлик битимини тузишга ҳақли ҳисобланади.

Банк овоз берувчи акцияларининг камида беш фоизига эгалик қилувчи (ҳал қилувчи эгалик мақомига эга бўлган) акциядорнинг овоз бериш ҳуқуқи Ўзбекистон Республикаси Марказий банки томонидан қўлланилган санкция туфайли тўхтатиб қўйилган бўлса, у Банк акциядорлари умумий йиғилишида овоз беришда қатнаша олмайди.

48. Овозга қўйилган масала бўйича Банк акциядорлари умумий йиғилишининг

қарори Банкнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади, бунда ушбу Низомнинг 5-бандини “а”, “б”, “в”, “д”, “к” ва “п” кичик бандларида кўрсатилган ҳамда йирик битим ва аффилланган шахс билан битим тузишга оид масалалар бўйича қарор, истисно тариқасида, Банк акциядорлари умумий йиғилиши томонидан акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади.

49. Овоз берилганида овоз берувчи қайси масала бўйича эҳтимол тутилган овоз бериш вариантларидан фақат биттасини қолдирган бўлса, ўша масала бўйича берилган овозлар ҳисобга олинади. Мазкур талабни бузган ҳолда тўлдирилган овоз бериш бюллетенлари ҳақиқий эмас деб топилади ва улардаги масалалар бўйича берилган овозлар ҳисобга олинмайди.

Агар овоз бериш бюллетенида овозга қўйилган бир нечта масала кўрсатилган бўлса, бир ёки бир нечта масалага нисбатан мазкур банднинг биринчи қисмида кўрсатилган талабга риоя этилмаганлиги бюллетеннинг умуман ҳақиқий эмас деб топилишига сабаб бўлмайди.

Банк акциядорлари умумий йиғилишида иштирок этувчи акционерга ўзи тўлдирган бюллетень нусхасини олиш имкони берилади.

50. Овоз бериш яқунлари бўйича санок комиссияси овоз бериш яқунлари тўғрисида баённома тузади, баённома шу жумладан Банк акциядорлари умумий йиғилишининг кворуми мавжудлиги тўғрисида маълумотларни ҳам ўз ичига олади ва санок комиссиясининг аъзолари томонидан имзоланади.

Овоз бериш яқунлари тўғрисида баённома Банк акциядорлари умумий йиғилиши баённомасига қўшиб қўйилиши лозим.

51. Овоз бериш яқунлари акциядорларнинг овоз бериш ўтказилган умумий йиғилишида ўқиб эшиттирилади, шунингдек Банк акциядорлари умумий йиғилиши ёпилганидан кейин овоз бериш яқунлари тўғрисида ҳисоботни эълон қилиш орқали акциядорлар эътиборига етказилади.

#### **9-§. Банк акциядорлари умумий йиғилишининг баённомаси**

52. Банк акциядорлари умумий йиғилишининг баённомаси акциядорларнинг умумий йиғилиши ёпилганидан кейин 10 (ўн) кундан кечиктирмай икки нусхада тузилади. Ҳар иккала нусха ҳам Банк акциядорлари умумий йиғилиши раиси ва котиби томонидан имзоланади.

53. Банк акциядорлари умумий йиғилиши баённомасида қуйидагилар кўрсатилади:

- а) Банк акциядорлари умумий йиғилиши ўтказилган сана, вақт ва жой;
- б) Банкнинг овоз берувчи акцияларига эгалик қилувчи акциядорлар эга бўлган овозларнинг умумий сони;
- в) Банк акциядорлари умумий йиғилишида иштирок этган акциядорлар эга бўлган овозларнинг сони;
- г) Банк акциядорлари умумий йиғилишининг кун тартиби;
- д) Банк акциядорлари умумий йиғилишининг раиси, президиуми ва котиби.

Банк акциядорлари умумий йиғилишининг баённомасида маърузаларнинг асосий мазмуни, овозга қўйилган масалалар ҳамда улар юзасидан ўтказилган овоз бериш яқунлари, йиғилиш қабул қилган қарорлар кўрсатилиши лозим.

#### **10-§. Банк акциядорлари умумий йиғилиши қарорларини бажариш**

54. Банк акциядорлари умумий йиғилиши қарорлари бажарилиши устидан назорат қилишни, башарти йиғилиш қарорида ўзгача ҳол қайд этилмаган ва баённомада акс эттирилмаган бўлса, Банкнинг кузатув кенгаши амалга оширади.

55. Банк акциядорлари умумий йиғилишининг қарорлари умумий йиғилишда ҳозир бўлган, шунингдек ҳозир бўлмаган барча акциядорлар томонидан, уларга тегишли қисми бўйича бажарилиши мажбурийдир.

**Бошқарув раиси**

**С.Нормухамедов**

*Бошқарув аъзолари билан келишилди:*

Бошқарув раисининг биринчи ўринбосари	Ф.Самарходжаев
Бошқарув раиси ўринбосари	К.Габбазов
Бошқарув раиси ўринбосари	З.Курганов
Бухгалтерия ҳисоби ва ҳисоботи департаменти директори	М.Маисова
Стратегик ривожланиш департаменти директори	С.Урманова
Иқтисодий таҳлил ва статистика департаменти директори	М.Мухаммедярова
Юридик хизмат департаменти директори в.в.б.	М.Мамбетов